



## MANI SIGGED

### ODALOED

Mas guleged amied manisagla moga, dule ebendaggoed dagmogar gebe, igi mani benuglemoga, geb bule nabir mani amimoga. augginbali daglebalir gebe, bule nabir ebendalegoed gudi negyaurgi .

We mar sunna mas guleged egismala:

- Mimmigan burwigan, babgi anba gudimalad
- Omegan gurgin nigga gudimalad
- Sunna egismoga, nussgana bad birga dummad naded, e igar mai birga durgwen gagga addar niggadse (25 años) ibdurdagged neggi amba dognair geb nue gambi nadabbir.
- Dulemar wis ugagga inmar samalad
- Na nigga gudimalad
- Badgan, dadgan geb, bur guenadgan waliggamalad.
- Susmar, bunmar.

Galu Gargwenmaladgi Nergusid (Jurisdicción de Familia) igar ilemagsid nabir gwenadgan bendaglegega, omegan gurgin nigga gudimalad adi suli.

Galu mimmigan geb Nussgana (Jurisdicción de Niñez y Adolescencia) ambayo babgi bangumalad we igar dagbugwad, ilemagsi nussgana nabir bendaglegega, omegan gurgin nigga gudimaladse baggar.

### IBUMAR ABELEGOE

Igar imaggega Sabgamar abelegoed

- ⤴ Cédula dule mani daggoedgad
- ⤴ Mimmi gwalulesad sabga e babgan niggusmalad sabga dibe Registro civilgi ega uglesad.

### IGARMAID MANI SIGGEDGAD

Igarmar N°	Odaloe
1	Dule bendaglegoed igargi arbanaid (usuario) we galuse naoe daggega ibumar abelegoe: Galu dummad emar abindagsidse, Centros de Información y Atención al Ciudadano (CIAC), wese dibe Juzgado mimmigan, nussgana dagsidse (Juzgado de Niñez y Adolescencia), geb

	<p>Juzgado Municipal neguyagi anna Gargwenmalad dagsid (Juzgado Municipal de Familia), wese bar dibe Juzgado Municipal mixtose, we galumarse onolegoed <b>ibumar abelege nabir igar guegar</b>. Geb arbaledoe mani sigged igargi, we gardamar uglegoe- Registro Único de Entradase (RUE). Geb be egisbbalo dibe dulemar wegi arbamalad <i>facilitadores judiciales</i> be negweburgi.</p> <p>Igar amilegoed e sabgamar seledoe Registro Único de Entrada (RUE), nabir juzgado wargwen dule manisignaid maid waligga arbasimogad.</p>
2	<p>We galu Registro Único de Entrada (RUE) abingaoe sabga manisiggedgi arbalegoed, mimimogoe geb uglemogoe despacho judicial igar dagsid. Registro Unico de Entrada (Rue) surdibe, igar imaglenaid uglegoe Juzgado mimmigan, nussgana dagbugwadse (Juzgado de Niñez y Adolescencia), wese bar dibe Juzgado Municipal Neguya Gargwenmalad dagbugwad (Juzgado Municipal de Familia), geb Juzgado Municipal Mixto argasid.</p>
3	<p>Juzgado sabga abingasar geb sabga soblegoed sogegar nuegambi abindaglesad we soglege “auto”.</p> <p>Sunna ibagwengi we sabgamar abingalesuli, Juzgado we igargi arbasisulir geb we igargi arbaleaid nue wissulir.</p> <p>Sunna gannar sabga ugleged, nudaglegega nabbi sabgamar abeleaid ugbaliga. Sabgamar egislenaid nudagsurdibe, osabolegoe egi arbalegosuli.</p> <p><b>Sunna wegi gusbalile:</b> Dulemar egi arbanaid (usuario) na wargwengi sunna nuedgi igar nabomala, galu mediación judicialesig geb sabbín dummad (juez) sunna sogbali mediaciónsig igar nabogoye geb adi e sabgamargi arbaleaid barmiledoe Centro Mediación Judiacialse.</p>
4	<p>Sabgamar abinsulesar geb igargi arbaledoed qeb owisolegoed:</p> <ul style="list-style-type: none"> <li>⤴ Dule mani daggoedga (demandado) sabga (citación) uglegoe, owisolegega.</li> <li>⤴ <u><i>Dule mani daggoed mimmi bendaglegoed e negweburgi na mamogar</i></u>, owisolegoe Centro de Comunicaciones Judicialesba (CCJ), we galu dagsid sunna ebo bela (las partes) owisoged. We galu CCJ sadesundibe, e despachogi arbabugmalad essunnadgi owisogoe.</li> </ul>

	<p>⚡ <u>Dule mani daggoed, mimmi bendaglegoed neggwebur baidgi mai sundibe</u>, sabgamar barmiledoed juzgado galu bur ualiggasid dule mani daggoed e negsig, we galu geb sabga ugnaoe dule mimmi bendaggoedga, geb gannar sabga owisolesad barmiledoe we dule sabga abindagsaye.</p> <p>⚡ <u>Dule mani daggoed (demandado) Panama yaurgi masurdibe</u>, juzgado barmidoed sabga ebendagega (carta rogatoria”), sulir “galu dummad asistencia judicial magadbali” (internacional) negdagsidse, we sabga barmiledoe Sala Cuarta de Negocios Generalesga, geb galu enegamba negdagsid Ministerio Relaciones Exterioresba owisolegoe dule mani daggoedga.</p>
5	<p>Igargi arbananaid (las partes) owisolesadsig geb igarmaidba dabisulid, arbisurdibe, sabga narmaglegoe sulenaega Políciase.</p> <p>Geb dulega soglegoe sabga narmalesad, igar amilebigunaid, geb sanna ega igar iddolegoe.</p> <p>Geb naa ebo oisolesadgi, ega igar iddolegoe juzgadogi.</p>
6	<p><b><u>Igar Iddoleged</u></b></p> <p>Igar iddoleged argasadgi ambagusdibe, sunna juez naboge na nuedgi igar nabomalaga geb tribunalse barmiledoe e goo burba meesed..</p> <p>Igar nuedgi gegnaboledibe na ebobela gardamar oyogoe manimidiid e gardamar., igar iddolesidgi Juez neg dagsid igar mesoe igi mani benuggoe.</p>
7	<p>Mani benuggoed <b>yogsar uggialed</b> (provisional) meggoloe, sogledibe nabbi nergulegoe, geb igar balamisdibe geb mani uggoed <b>nue eigar</b> (definitiva) messunnoe.</p>
8	<p>Sunna mani daglemaid ogwalege birga gwen niggadgi.</p>
<b>Igar Gannar Egised</b>	
9	<p>Dule owisolesdibe, we dule sunna igar egise narmagar, ibabbaagi (3 días), owisolesadgi, geb sogoed ibiga igar megwisadba nasuli, sunna na oyomogad egad na igar sedanimogad, ibabaa nigbali anna wegi sogmogaga ibiga na eba nasuli, dummad negdagsid.asabbin.</p>
10	<p>We ibagan e igar megwisad nasdibe, dule mani abingaoed ibabbaa nigmoga abinsaega ibiga eba nasurmoga wisigudir we igar egislesadba.</p>

	We ibagan nasdibe abangine ebisledoe nabir abinsaega.
11	We dule sogsad eba nasurye, deginigwer ise sogar imagsasulid arbisurdibe, neg dagsid geb igar ilemagsid irgwen sogar degi mani uggoye. Deginigwer ise sogsamodibe ibiga na abesuli igar megwisadba geb nabir iddolesdibe ibiga eba nasuli, sunna dummad neg dagsid igar ega sorbali nudagged.
12	Juzgado galu sabga (expediente) barmidoe e dummaganse despacho superiorse egi nergwubugwadse sabgagi arbalesadgi dagmogoed ibiga e igarba nasurmalad.
13	We dummagan (fallo de segunda instancia) sabgagi nergwubugwad nabir iddosmardibe geb owisogoed narmagar naged lbaaddar wilub bia siggwi sabga abindagsid walig. Nue nabbi abeleger, juez sunna iba nasigge, wadsi nasigbalo gannar igar iddotaliga.
14	Igar amilesar gannar sabga barmiledoe bia igar onolede.

**SABGAMAR ABELEGOED IGAR SUNMAGGALED IDDOLEALIR**

- ⤴ Sabga arbanaidgan, igi mani gwissi.
- ⤴ Be sabgamar oyogoe bule nabir be sogwissi deg mani an gisye geb deob an immar an wis nigbarye.
- ⤴ Sabga (facturas) mani oesad be ugbaloe, geb ibdurdagedgi ibu mala be mani oesbali.
- ⤴ Sabga (facturas) mani oesad mas bailesmalad ugbaloe geb morgaug, mor enuglebaloe, bela mimmi immar ebusid.
- ⤴ Sabga (facturas) mani oesad nerse arbid, ina bailesmalad, inamar barmilealid.
- ⤴ Sabga igi mani oesad sabad geb mor baglesad.
- ⤴ Sabga ugbaloe Ibu malagi nabbi mani be oesad (inamar salenai gusad, nabir ner bega bonidagsad, neggarda durdagged igar sogwen durdagleged)
- ⤴ Sabga ugbalirgebe neg benuglemaid
- ⤴ Geb immar neggi bane bane ebulemalad benuglemaid e sabga mani ugbalir gebe ( Dii benugleged, gualuu, teléfono, geb immar bamalad)
- ⤴ Mimmigan dodosad, werguabbid, neg dagabid mani oesad e sabga ugbalir gebe.
- ⤴ Nusgana bad birga dummad naded, e igar mai birga obidder nabir escuelagi bur dognai e sabga abelebaloe.

✦ **Gwalulegedidu manisigged** Ome gurgin nigga gudid sabga oyomogoe, bule nabir dibe. Geb sunna sedabaloe, nerse nanawissid sabga, inamar sabga uilemaid, mormar omegan gurginnigga yomalad, goe niggunaed mani oegoed, gwable goegad ibmar abelegoed.